

Art. 32 - Atribuzionis de amministrazzioni

1. Su Sìndigu:

- a) tenit sa rapresentàntzia generali de s'Enti, innoi ddoi est puru sa rapresentàntzia legali, puru in giudìtziu, e est s'òrganu responsàbili de s'Aministratzioni in su Comunu;
- b) podit delegai is funtzionis suas o una parti de issas a is assessoris. Su donai is dèlegas a is Assessoris depit èssiri nau a su Consillu Comunali e a is àterus òrganus prevìdius de sa lei e publicau a s'Albu Pretòriu de su Comunu;
- c) tenit sa diretzioni unitària e su coordinamentu de s'atividadì politicu - amministrativa de su Comunu;
- d) cunvocat sa Giunta e coòrdinat s'atividadì de is assessoris;
- e) promovit e pigat iniziativa po serraì acòrdius de programa cun totus is sogetus pùblicos prevìdius de sa lei intèndiu su Consillu Comunali;
- f) cunvoca is comìtzis po is referendum prevìdius de s'art. 45 chi sighit;
- g) fait is ordinàntzias chi pertocant e funt urgentis chi c'est una emergèntzia sanitària o de igieni pùblica scèti po su logu;
- h) nòminat su Segretàriu Comunali, scerendiddu in s'albu cosa insoru;
- i) donat e ndi bogat a su Segretàriu Comunali is funtzionis de Diretori generali chi non est stètia fata sa cunventzioni cun àterus comunus po sa nòmina de su Diretori;
- l) nòminat ia responsàbilis de is ufitzius e de is servìtzis, donat is incàrrigus dirigentzialis e cussus de collaboratzioni a foras, segundu is abisòngius berus e verificàbilis.
- m) fait is àteras funtzionis chi dd'ant donau comentì autoridadì locali segundu dispositzionis de lei specifìcas.

Art. 33- Atribuzionis de vigilàntzia

1. Su Sìndigu fadendu is funtzionis suas de vigilàntzia:

- a) pigat a manera dereta de totus is ufitzius e servìtzis informus e àutus mancaì arriservaus e podit dispònneri su pigai àutus, paperis e informus in is aziendas specialis, is istituzionis e is sociedades po atzionis, chi funt de s'enti, po mèdiu de is rapresentantis legalis de cussas etotu, fadendiddu sciri a su Consillu Comunali;
- b) promovit, a manera dereta o po mèdiu de su Segretàriu Comunali o de su Diretori chi est nominau, is indàginis e is berificas amministrativas asuba totu s'atividadì de su Comunu;
- c) promovit e pigat iniziativa po assigurai ca ufitzius, servìtzis, aziendas specialis, istituzionis e sociedades chi funt de su Comunu, fatzant is atividadis insoru segundu is obietivus inditaus de su Consillu e a manera coerenti cun is inditus atutivus naus de sa Giunta.

Art. 34 - Atributzione de organizazioni

1. Su Sîndigu in is funtzionis de organizazioni:

- a) stabilìt is chistionis a s'òrdini de sa diri de is setziadas de su Consillu Comunali, ndi disponit sa cunvocatziòni e ddu presiedit.
- b) cunvocat e presiedit sa cunferèntzia de is capusgrupu consiliaris, segundu sa disciplina regolamentari;
- c) manixat is poteris de politzia in is atòbius consiliaris e is organìsimus pùblicos de partecipatzioni popolari presièdius de su Sîndigu, in is làcaras previdius de is leis;
- d) proponit chistionis de biri in Giunta, ndi disponit sa cunvocatziòni e dda presiedit.
- e) arricit is interrogatzionis e is motzionis de sutapònniri a su Consillu comenti a cumpetèntzia consiliari.

Art. 35 - Vici - Sîndigu

1. Su Vici Sîndigu nominau aici de su Sîndigu est s'assessori chi tenit sa dèlega generali po fai totus is funtzionis de su Sîndigu, chi amancat o non podit issu etotu.

2. Chi amancat o non podit mancu su Vici Sîndigu is funtzionis vicàrias funt fatas de donniunu de is Assessoris sighendu s'òrdini de antzianidadi segundu s'edadi.